

# Z A P I S N I K

sa V elektronske sjednice Vijeća Građevinskog fakulteta Univerziteta u Sarajevu, održane dana 12.04.2021. godine, sa periodom izjašnjavanja od 10.00 do 13.00 sati.

**Članovi Vijeća Građevinskog fakulteta (pozvani putem e-maila):**

**Nastavnici i saradnici:**

Prof.dr. Zoran Milašinić, Prof.dr. Adnan Ibrahimbegović, Prof.dr. Mustafa Hrasnica, Prof.dr. Esad Mešić, Prof.dr. Samir Dolarević, Prof.dr. Emina Hadžić, Prof.dr. Azra Kurtović, Prof.dr. Admr.Mulahusić, Prof.dr. Đenari Čerimagić, Prof.dr. Amra Serdarević, Prof.dr. Suvada Šuvalija, Prof.dr. Emil Ilić-Georgijević, Prof.dr. Naida Ademović, Prof.dr. Medžida Mulić, Prof.dr. Mirza Pozder, Prof.dr. Sanjin Albinović, Prof.dr. Nedim Tuno, Prof.dr. Goran Simonović, Prof.dr. Jusuf Topoljak, Doc.dr. Esad Vrce, Doc.dr. Suada Sulejmanović, Doc.dr. Džanina Omičević, Doc.dr. Hata Milišić, Doc.dr. Adis Skejić, Doc.dr. Žaneta Ljevo, Doc.dr. Ismar Imamović, Doc.dr. Senad Medić, Doc.dr. Anis Balić, Doc.dr. Emina Hadžalić, Doc.dr. Emir Karavelić, Doc.dr. Emina Hajdo, Doc.dr. Haris Kalajdžisalihović, Viši asistent Jelena Medić (K), Viši asistent Nerma Lazović (H), Viši asistent Alma Džubur (H), Viši asistent Ammar Šarić (S), Viši asistent Damir Hasanspahić (Mat.), Asistent Nedim Kulo (G), Asistent Mladen Kapor (Geot.i geol.), Asistent Samir Suljević (K)

**Studenti:** Adelisa Subašić, Izet Nanić, Emina Džaferović

**Ostali prisutni (obavješteni putem e-maila):** Sabina Bajrić, sekretar fakulteta

Elektronska sjednica je započela u 10.00 sati.

Sjednicom Vijeća je predsjedavao prof.dr. Samir Dolarević, dekan Građevinskog fakulteta na osnovu čije saglasnosti, a u skladu sa obavezom poštivanja svih mjera Kriznog stožera Federalnog ministarstva zdravstva i Vlade Federacije BiH, u cilju sprječavanja i kontrole epidemije izazvane novim koronavirusom (COVID-19), je članovima Vijeća putem e-maila dostavljen Poziv za održavanje V sjednice – elektronske – zakazane za 12.04.2021. godine sa naznakom termina izjašnjavanja u terminu od 10.00 do 13.00 sati.

Od ukupno 43 člana Vijeća Građevinskog fakulteta u utvrđenom terminu glasanja glasanju je pristupilo 39 članova, a 4 člana Vijeća se nisu izjasnili: prof.dr. Adnan Ibrahimbegović, Adelisa Subašić (studentica), Izet Nanić (student) i Emina Džaferović (studentica).

Na prijedlog dekana usvojen je sljedeći:

## DNEVNI RED:

- I Usvajanje Zapisnika sa IV sjednice Vijeća Građevinskog fakulteta, održane 15.03.2021. godine;
- II Izveštaj Komisije o toku i rezultatu odbrane doktorske disertacije pod nazivom "Optimizacija armiranobetonskih konstrukcije izloženih utjecaju potresa", kandidata mr.sc. Zlatka Džanića, dipl.ing.građ.,
- III Izveštaj Komisije o toku i rezultatu odbrane doktorske disertacije pod nazivom "Razvoj optimalnog modela za transformaciju koordinata između referentnih okvira u Bosni i Hercegovini", kandidata Dževada Krdžalića, dipl. ing.geod.
- IV Izveštaj Komisije za ocjenu radne verzije projekta doktorske disertacije pod nazivom "Nova uloga hidroelektrana u elektroenergetskim sistemima u uvjetima otvorenog tržišta električne energije i značajnije integracije obnovljivih izvora energije", kandidata M.Sc Faruk Serdarević dipl.ing.maš.;
- V Izveštaj Komisije za ocjenu radne verzije projekta doktorske disertacije pod nazivom „Istraživanje uzroka oštećenja betonskih mostova na državnim cestama Republike Kosovo i preduzimanje mjera za njihovo minimiziranje“, kandidata Nasera Morine, dipl.inž. građ.,

- VI Imenovanje Komisije za pripremanje prijedloga za izbor u naučnonastavna zvanja vanredni profesor za naučnu oblast "Saobraćajnice", po konkursu objavljenom u dnevnim novinama "Oslobođenje" i web stranici Građevinskog fakulteta i Univerziteta u Sarajevu dana 04.03.2021. godine;
- VII Utvrđivanje prijedloga za raspisivanje konkursa:
- za izbor u isto naučnonastavno zvanje: docent za naučnu oblast "Geodezija i geoinformatika" – jedan izvršilac sa punim radnim vremenom;
  - za izbor/napredovanje u naučnonastavno zvanje: docent za naučnu oblast "Geodezija i geoinformatika" – jedan izvršilac sa punim radnim vremenom;
- VIII Prijedlog sastava komisija za ocjenu i odbranu završnih radova (ZR2 obrasci) , mentora i imena studenata za teme završnih radova drugog (II) ciklusa studija u školskoj 2020./2021. godini;
- IX Molba studenta Omara Alfarouk Altı za naknadni upis u VI semestar I ciklusa građevinarstva u akademsku 2020/2021 godinu;
- X Izvještaji Komisija za ocjenu i odbranu završnog rada studenata na drugom ciklusu studija Odsjeka za konstrukcije Esada Kurbegovića;

#### Ad/I

Članovi Vijeća su putem e-mail korespodencije pozvani da se izjasne o Zapisniku sa IV sjednice Vijeća Građevinskog fakulteta, održane 15.03.2021. godine.

Na Zapisnik sa IV sjednice Vijeća Građevinskog fakulteta, održane 15.03.2021. godine nije bilo primjedbi, te je isti jednoglasno usvojen.

#### Ad/II

Po ovoj tački Dnevnog reda članovi Vijeća se ne izjašnjavaju, samo je dostavljen navedeni dokument da se upoznaju da sa rezultatima odbrane doktorske disertacije kandidata Zlatka Džanića, dipl.ing.građ., koja je održana 19.03.2021. godine, koju je imenovani uspješno odbranio i time ispunio sve zakonom propisane uslove za sticanje akademskog zvanja *doktor tehničkih nauka, naučno polje građevinarstvo*.

Izvještaj i Protokol i Zapisnik sa odbrane doktorske disertacije kandidata Zlatka Džanića, dipl.ing.građ. bit će dostavljeni Senatu Univerziteta u Sarajevu na daljnji postupak.

#### Ad/III

Po ovoj tački Dnevnog reda članovi Vijeća se ne izjašnjavaju, samo je dostavljen navedeni dokument da se upoznaju da sa rezultatima odbrane doktorske disertacije kandidata Dževada Krdžalića, dipl.ing.geod., koja je održana 01.04.2021. godine, koju je imenovani uspješno odbranio i time ispunio sve zakonom propisane uslove za sticanje akademskog zvanja *doktor tehničkih nauka, naučno polje geodezije i geoinformatike*.

Izvještaj i Protokol i Zapisnik sa odbrane doktorske disertacije kandidata Dževada Krdžalića, dipl.ing.geod. bit će dostavljeni Senatu Univerziteta u Sarajevu na daljnji postupak.

#### Ad/IV

Na osnovu člana 43. i 44. Pravila studiranja za treći ciklus studija na Univerzitetu u Sarajevu iz decembra 2010. godine, jednoglasno je donesena sljedeća

### ODLUKA

#### I

Prihvata se Izvještaj Komisije za ocjenu radne verzije doktorske disertacije pod nazivom: "Nova uloga hidroelektrana u elektroenergetskim sistemima u uvjetima otvorenog tržišta električne energije i značajnije integracije obnovljivih izvora energije", kandidata Mr.Sc Faruk Serdarević, dipl.ing.maš., zaveden pod brojem: 06-3-727-22/17 od 08.04.2021. godine.

#### II

Radnu verziju projekta doktorske disertacije pod nazivom: "Nova uloga hidroelektrana u elektroenergetskim sistemima u uvjetima otvorenog tržišta električne energije i značajnije integracije obnovljivih izvora energije", kandidata Mr.Sc Faruk Serdarević, dipl.ing.maš. i Izvještaj Komisije za ocjenu radne verzije doktorske disertacije pod nazivom: "Nova uloga hidroelektrana u elektroenergetskim sistemima u uvjetima otvorenog

tržišta električne energije i značajnije integracije obnovljivih izvora energije", kandidata Mr.Sc Faruk Serdarević, dipl.ing.maš., zaveden pod brojem: 06-3-727-22/17 od 08.04.2021. godine, staviti na uvid javnosti.

#### **Ad/IV**

Na osnovu člana 43. i 44. Pravila studiranja za treći ciklus studija na Univerzitetu u Sarajevu iz decembra 2010. godine, jednoglasno je donesena sljedeća

### **ODLUKA**

I

Prihvata se Izvještaj Komisije za ocjenu radne verzije doktorske disertacije pod nazivom: "Istraživanje uzroka oštećenja betonskih mostova na državnim cestama Republike Kosovo i preduzimanje mjera za njihovo minimiziranje", kandidata Namera Morine, dipl.ing.građ., zaveden pod brojem: 06-3-358-24/18 od 02.04.2021. godine.

II

Radnu verziju projekta doktorske disertacije pod nazivom: "Istraživanje uzroka oštećenja betonskih mostova na državnim cestama Republike Kosovo i preduzimanje mjera za njihovo minimiziranje", kandidata Namera Morine, dipl.ing.građ. i Izvještaj Komisije za ocjenu radne verzije doktorske disertacije pod nazivom: "Istraživanje uzroka oštećenja betonskih mostova na državnim cestama Republike Kosovo i preduzimanje mjera za njihovo minimiziranje", kandidata Namera Morine, dipl.ing.građ., zaveden pod brojem: 06-3-358-24/18 od 02.04. 2021. godine, staviti na uvid javnosti.

#### **Ad/VI**

Na prijedlog Odsjeka za saobraćajnice, jednoglasno je donesena sljedeća:

### **ODLUKA**

o imenovanju Komisije za pripremanje prijedloga  
za izbor u naučnonastavno zvanje

I

U Komisiju za pripremanje prijedloga za izbor u naučnonastavno zvanje vanredni profesor za naučnu oblast "Saobraćajnice", jedan izvršilac sa punim radnim vremenom, po konkursu objavljenom u dnevnim novinama "Oslobođenje" i web stranici Građevinskog fakulteta i Univerziteta u Sarajevu dana 04.03.2021. godine, imenuju se:

- 1.) Prof. dr. Mirza Pozder, dipl.ing.građ., vanredni profesor Građevinskog fakulteta Univerziteta u Sarajevu (naučna oblast „Saobraćajnice“), predsjednik Komisije;
- 2.) Prof. dr. Branko Mazić, dipl.ing.građ., profesor emeritus Građevinskog fakulteta Univerziteta u Sarajevu (naučna oblast „Saobraćajnice“), član Komisije;
- 3.) Prof. dr. Sanjin Albinović, dipl.ing.građ., vanredni profesor Građevinskog fakulteta Univerziteta u Sarajevu (naučna oblast „Saobraćajnice“), član Komisije.

II

Komisija je obavezna da Izvještaj sa prijedlogom za izbor kandidata dostavi Vijeću Građevinskog fakulteta Univerziteta u Sarajevu, u skladu sa tekstom raspisanog Konkursa, ovom Odlukom i Potvrdom o prijavljenim kandidatima, najduže u roku od 45 dana od dana isteka roka za podnošenje prijave na Konkurs.

#### **Ad/VII**

Na prijedlog Odsjeka za geodeziju i geoinformatiku, većinom glasova (38 ZA i 1 SUZDRŽAN), donesena je sljedeća

### **ODLUKA**

o raspisivanju konkursa

I

Utvrđuje se prijedlog za raspisivanje konkursa:

- c) za izbor u isto naučnonastavno zvanje: docent za naučnu oblast "Geodezija i geoinformatika" – jedan izvršilac sa punim radnim vremenom;
- d) za izbor/napredovanje u naučnonastavno zvanje: docent za naučnu oblast "Geodezija i geoinformatika" – jedan izvršilac sa punim radnim vremenom;

Uvjeti za izbor:

Kandidati za izbor u naučnonastavno zvanje docent treba da ispunjavaju opće zakonske uvjete i minimalne uvjete za izbor u naučnonastavno zvanje docent utvrđene članom 96. Zakona o visokom obrazovanju ("Službene novine Kantona Sarajevo", broj: 33/17, 35/20 i 40/20) i članom 194 Statuta Univerziteta u Sarajevu:

- naučni stepen doktora u datoj oblasti, najmanje tri naučna rada objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti;

Pored općih zakonskih i minimalnih uvjeta za izbor u naučnonastavno zvanje docent utvrđenih članom 96. Zakona o visokom obrazovanju ("Službene novine Kantona Sarajevo", broj: 33/17, 35/20 i 40/20) i člana 194 Statuta Univerziteta u Sarajevu, kandidati trebaju da ispunjavaju i sljedeće uvjete:

- diplomirani inženjer geodezije i geoinformatike, odnosno magistar geodezije i geoinformatike sa 300 ECTS

bodova, naučni stepen doktora nauka iz oblasti za koju se prijavljuje,

Uz prijavu kandidati obavezno dostavljaju: biografiju (CV), uvjerenje o državljanstvu, diplome o stečenom obrazovanju, kao i druge dokaze o ispunjavanju uvjeta za izbor u naučnonastavno zvanje docent za koje se prijavljuju.

Postupak izbora akademskog osoblja, odredbe o značenju pojmova, načinu vrednovanja prilikom izbora u zvanje, kao i ostali bitni elementi za izbor u zvanje, navedeni su u Zakonu o visokom obrazovanju Kantona Sarajevo i u Statutu Univerziteta u Sarajevu.

Ugovor o radu će se zaključiti sa kandidatima izabranim u naučnonastavno zvanje.

## II

Odluku dostaviti na saglasnost Senatu Univerziteta u Sarajevu.

### Ad/VIII

Na osnovu člana 50. stav 6. i 7. Pravila za I, II ciklus studija, integrirani, stručni i specijalistički studij na Univerzitetu u Sarajevu, a na prijedlog odsjeka i katedri, jednoglasno je donesena sljedeća

## ODLUKA

### I

Usvajaju se prijedlozi sastava komisija za ocjenu i odbranu završnih radova (ZR2 obrasci) sa imenima mentora, po pojedinačnim prijavama studenata za teme završnih radova drugog (II) ciklusa studija:

- Studijskog programa građevinarstva
- Studijskog programa geodezije i geoinformatike

koji su sastavni dio ove Odluke i u prilogu ovog Zapisnika..

### II

Odluku o usvajanju prijedloga komisija sa imenima mentora za odbranu završnih radova drugog (II) ciklusa studija, sa prijedlozima sastava komisija (ZR2 obrasci) i prijavama tema završnih radova (ZR1 obrasci), dostaviti odsjecima i katedrama na daljnji postupak.

### Ad/IX

Na Molbu studenta Omaru Alfarouk Aktee, uz saglasnost prodekana za nastavu, većinom glasova (37 glasova ZA i 2 glasa SUZDRŽAN) donesena je sljedeća

## ODLUKA

Odobrava se studentu Omaru Alfarouk Aktee naknadni upis u treću godinu – VI semestar I ciklusa studija studijskog programa građevinarstva na Građevinskom fakultetu Univerziteta u Sarajevu, u akademskoj 2020./2021. godini, u statusu redovnog samofinansirajućeg studenta.

### Ad X

Jednoglasno je donesena sljedeća:

## ODLUKA

### I

Usvaja se Izvještaj Komisije za ocjenu i odbranu završnog rada studenta II (drugog) ciklusa studijskog programa građevinarstva, smjer konstrukcije, Esada Kurbegovića, pod naslovom "Dinamička analiza pješačkog mosta Ars Aevi u Sarajevu", zaveden pod brojem: 06-2-506-1/21 od 02.04.2021.godine.

II

Prihvata se završni rad studenta Esada Kurbegovića, pod naslovom "Dinamička analiza pješačkog mosta Ars Aevi u Sarajevu" i odobrava odbrana završnog rada.

Izjašnjava članova Vijeća Građevinskog fakulteta Univerziteta u Sarajevu sa V elektronske sjednice, održane dana 12.04.2021. godine, su sastavni dio ovog Zapisnika.

Zapisnik vodila:  
Sabina Bajrić, dipl. pravnik

*Sabina Bajrić*

*02-1-559-9/24*

*13.04.2021*

DEKAN

Prof.dr. Samir Dolarević, dipl.ing.građ.

